

INUIT ATAQATIGIIT

Inatsisartuni



17. februar 2020

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka.

Naalackersuisunut apeqqutit:

1. Inuit innarluutillit tapersorsorneqarnissaannut Inatsisartut inatsisaanni nr. 13, 12. juni 2019-imeersumi §76, imm. 2. najoqqutaralugu Naalackersuisut nalunaarusiornissamik suliaqarniarpat?
2. Nalunaarutip tamatuma qaqugu atuutilernissaa naatsorsuutigineqarpa?
3. Qitiusumi utaqqisunut allattorsimaffimmut digitaliusumut atatillugu¹, Naalackersuisut ajornartorsiutaasunik aaqqiinarlutik qanoq pilersaaruteqarpap?
4. Qaqugu atorreqarsinnaasumik aaqqiissuteqarnissaq Naalackersuisuniit naatsorsuutigineqarpa, immaqqa systemimik nutaamik allaanerumumik atuilernissamik imaqartoq?

(Inatsisartunut ilaasortaq, Stine Egede, Inuit Ataqatigiit)

Tunggavilersuut:

Ulloq unnuarlu paaqqinniffinnut tunngatillugu misissueqqissaarnikkut nalunaarusiami qanittukkut saqqummersinneqartumi inissiisarfinni ullorlu unnuarlu paaqqinnittarfinni ilisimasat datallu tunggavigineqarsinnaasut amigartuusut uppersarsineqarpoq². Meerartatsinnik inuusuttortatsinnik inunnillu innarluutilinnik inuiaqatigiittut pitsaanerpaamik isumaginnissagutta, pineqartup iluani kisitsisinik tunggaveqarsinnaanerput pingaaruteqarluinnarpoq. Inuit innarluutillit tapersorsorneqarnissaannut Naalackersuisut inatsiseqarnermikkut³, kommuninit innarluutilinnut tunngasutigut datanik katersinnaanerput malittarisassiussinissamut periarfissineqarput. Inuit innarluutillit pillugit tamanik ilisimasaqarnissarput inuiaqatigiinniit soqutigisaraarput, taamaasiornikkummi piffissaq ungasinnerusoq isigalugu inissat qanoq ittut qanorlu amerlatigisut pisariaqartinneqarnersut ilaatigut paasisinnaalissagatsigit⁴.

Apeqqutima ullut suliffiusut qulit iluanni akineqarnissaat kissaatigaara.

¹ Døgninstitutionerne, Analyserapport 2019, Socialstyrelsen 2019, side 16

² Døgninstitutionerne, Analyserapport 2019, Socialstyrelsen 2019, side 14-16

³ Inatsisartutlov nr. 13 af 12. juni 2019 om støtte til personer med handicap §76, stk. 2

⁴ Døgninstitutionerne, Analyserapport 2019, Socialstyrelsen 2019